



Inatsisartunut ilaasortaq
Jens-Frederik Nielsen, Demokraatit
uani

02-10-2023
Suliap normua: 2023 -
22934

**Aallarnisaasumut unammilligassat pillugit § 37 naapertorlugu apeqqummut
nr. 124-mut akissuteqaat**

P.O.Box 1601
3900 Nuuk
Oqa. (+299) 34 50 00
E-mail: nainn@nanoq.gl
www.naalakkersuisut.gl

Asasara Jens Frederik Nielsen,

Inatsisartut suleriaasianni § 37 naapertorlugu aallarnisaasumut unammilligassat
pillugit Naalakkersuisunut apeqquteqarputit.

Aallaqqaasiutigalugu suliap suliarinerata taama sivisutiginera ajuusaarutigaa.

**1. Pisortat ingerlataasa piaaralutik piffinni aallarnisaasup
periarfissaanik aserorterinerat Naalakkersuisut qanoq
isumaqarfigaat?**

Akissut:

Suliami aalajangersimasumi tassani Naalakkersuisut paasisimasaqanngillat,
taamaattumillu tassani pisunut ataasiakkaat pillugit oqaaseqarsinnaanatik.
Kisianni aallarnisaasoq pineqartoq pillugu soorunami Naalakkersuisut
ilisimasaqarput nioqqutissiamik pitsaasumik takoqqusaarilluarnermillu
pilersitsisimammat pineqartoq nersualaaginnarsinnaavarput.

Naalakkersuisut tunngaviusumik paasinninnerat imaappoq, kommunip
ingerlatsinera imaluunniit Namminersorlutik Oqartussat sulinerat pineqarnersoq
apeqqutaatinnagu inuussutissarsiornermut piumasaaqatit pitsaanerpaat
pilersinneqarnissaat tamanit soqutigineqartoq. Assersuutigalugu
Namminersorlutik Oqartussat kommunillu ingerlatsivinnik immikkoortunillu
pilersitsinikuupput tunngaviusussanik aningaasalersuinermillu inuussutissarsiutit
siuarsarneqarnissaanik suliaqartunik. Taamaattorli aamma ilisimaneqarluarpoq,
ilaannikkut pisortat inuussutissarsiortullu akornanni soqutigisat akerleriissut
pilersarmata, taamatut suliassat saqqummersinnaasarput malittarisassanik
tunngaviusunillu naammaginangitsumik qulaarsisut.

Pisuni soqutigisanut aklerliissuteqalernerit pilersillugit, aalajangiiniarnermut tunngatillugu siumut sammisumik oqaloqatigiinneq ammanerlu pitsaanerpaajuvoq. Isummat naapisinnissaannut periarfissat ujartorneqarsinnaapput imaluunniit akuersaanngitsumik isumaqarnermut tunngavilersuutaasoq nassuiarneqarsinnaavoq. Pisortat ingerlatsiviata sulluunniit pisortat ingerlataasa ataani sulinermut tunngavigineqartut naapertorlugit illuatungerisamut ingerlatsivimmi ileqqorissaarnissaq ersersissavaa malissallugulu.

2. Pisortat ingerlataanit aallarnisaasut suliniutaannik aserorterinissaannut illersuutissanik Naalakkersuisut qanoq suliniuteqarniarpat?

Akissut:

Apeqqutip 1-p akinerani soorlu oqaatigineqartoq pisortat ingerlatsiviata sulluunniit pisortat ingerlataasa ataani sulinermut tunngavigineqartut naapertorlugit illuatungerisamut ingerlatsivimmi ileqqorissaarnissaq ersersissavaa malissallugulu.

3. Kommuneqarfik Sermersooq inatsisit malillugit iliorpa, nunaminertaq tunniunneqareersoq ilanngukkamikkut, kommunip ikuallaasarfiata kommunimut ataatsimoorussamik ikuallaasarfiliornermini?

Akissut:

Nunaminertamik atuinissamut akuersissummi atugassarititaasut nunaminertamik akuersissutip iluani periarfissanut aalajangiisuupput. Suliami aalajangersimasumi tassani immikkoortunik annikitsualukkuutaanik Naalakkersuisut ilisimasaqanngillat, taamaattumillu apeqqut pillugu oqaaseqarsinnaanatik. Nalinginnaasumi peqataasoq pisumi pissutaasut malillugit pilersaarusionerq aamma nunaminertat atorineqartarnerat il. il. pillugit Inatsisartut Inatsisaat naapertorlugu Aningaasaqarnermut Naligiissitaanermullu Naalakkersuisoqarfimmu (Nuna tamakkerlugu pilersaarusionerfik) kommunip aalajangiineri pillugit naammagittaalliorsinnaavoq.

- 4. Suliami pineqartumi Kommuneqarfik Sermersuup suleriaasianut Naalakkersuisut qanoq isumaqarpat?**
- a. Naalakkersuisut isumaqarpat, Kommuneqarfik Sermersuup Sassuma Sea Salt-ip tunisassiornerata nuunneqarneranut aningaasartuutit tamaasa akilissagai tassunga ilanngullugu kallerup inneranut allanullu attavilersornera?**

Akissut:

Suliap immikkuualuttortaanut Naalakkersuisut ilisimasaqannginnamik tamanna pillugu oqaaseqariarsinnaangivipput. Nalinginnaasumik suliami taamaattumik aningaasartuutit akilerneqarnissaat pillugu isumaqatigiinniarniq kommunip allallu aalajangersimasumik peqataasut akornanni suliassaassaaq.

- 5. Pineqartumut Naalakkersuisut allanik suliamut soqutiginarturnik paasissutissiisinaanerlutik?**

Akissut:

Pisortat tungaanniit aalajangiinermi suliamilluunniit ingerlatsinermi kukkusoqarsimasoq peqataasumit paasineqarpat, naammagittaalliornissamut periarfissat atuuttut atoqqullugit Naalakkersuisut kajumissaarutigiinnarsinnaavaat.

Inussiarnersumik inuulluaqqusilluta



Naaja H. Nathanielsen

Naalakkersuisoq for Erhverv, Handel, Råstoffer, Justitsområdet og Ligestilling
Inussutissarsiornermut, Niuernermut, Aatsitassanut, Inatsisinik Atuutsitsinermut
Naligiissitaanermullu Naalakkersuisoqarfik